

曝書亭詩集注

乙卯夏日
蔣氏題



曝書亭集詩註卷七

嘉興 楊謙 纂

嘉興 曹秉鈞 參

重光大淵獻

辛亥

立春日同李十九飲孫少宰蟄室有懷曹侍郎在里

七度辛盤會

見卷四永嘉除日

他鄉歲歲殊未知

文類作如

今夕讌得與故人俱舞鶴喧庭

榭飛花灑畫圖因懷鉏菜叟萬里隔春蕪

西山

見卷六書所見酬潘耒

斜陽猶未鎖松筠

杜甫詩何為西莊王給事柴門空閑鎖松筠

雪後風清石路塵莫笑游人

文類作春游

今歲早馬頭山店已燒春

文類作蘼蕪已有上山人國史補酒有榮陽之士窟春富平之石凍春劍南之燒春

同作

上海

蔡

湘

竹濤

中官墳墓碧雲齊樵客東風飲恨啼故向黃茅遺燬火亂山燒過夕陽西

臥佛寺

帝京景物略臥佛寺唐名兜率後名昭孝名洪慶令曰永安以後殿香木佛又後銅佛俱臥遂目臥佛云

路入晴雲北山欹臥佛前津梁疲已甚

世說庾公見臥佛曰此子疲于津梁陳萬言臥佛寺詩覽眺吾將倦津梁子亦

疲土木意能傳

世說劉伶身長六尺悠悠忽忽土木形骸

夜續林中磬春流枕外泉長安車馬客輪

爾只高眠

題退谷

問山集臥佛寺旁即北海先生退谷李良年退谷題名記同游四人秀水朱彝尊嘉興李良年吳江潘耒上海蔡湘游之日四

自人日己未迄于壬戌所歷之地十有三為山五壽安香山翠微秘魔玉泉為寺八臥佛永安洪光碧雲廣德嘉禧鮑家然飯以退谷宿以退

谷導余輩游者退谷主僧也是游也得古今詩四十有六賦一記一銘一題名二游既畢諸子感良會之不常顧瞻山間憮然而歎于是良年

為記而彝尊書于亭左以詒後之游者時康熙辛亥正月王士正退谷見朱錫堯李武曾潘次畊蔡竹濤題名詩故人消息比何如萬里江湖

歲又除山寺到來先一笑春風石壁見君書

退翁愛退谷未老先抽簪

鍾會遺榮賦散髮抽簪永絕一邱王崇簡孫公行狀年甫六十藉重聽乞身營退谷以見志

行藥

亂峰路

北史邢巒傳孝文行藥至司空府南

築亭雙樹林

季良年退谷題秋月上人房詩注孫侍郎自築退翁亭於此涅槃經世尊在雙

樹間演法春明夢餘錄臥佛寺在唐為兜率寺殿前娑羅樹來自西域相傳建寺時所植今大三圍矣

間中春酒榼靜裏山泉音

滿目市朝貴何人期此心

來青軒

帝京景物畧香山寺殿五重崇廣畧等斜廊平欄翼以軒閣世宗幸寺曰西山一帶香山獨有翠色神宗題軒曰來青

天書稠疊此山亭

燕都遊覽志來青軒鬱秀清雅望都亭四扁皆御書往事猶傳翠輦經莫倚危欄頻北

望十三陵樹幾曾青

鮑家寺白松歌

長安可遊記循香山之左歷滕公寺至鮑家寺寺有古松十株陰覆石埤濃翠可愛

鮑家寺中九白松扶疎宛似桂之樹

曹植詩桂之樹桂生一何佳麗

密葉陰連古殿寒霜皮畫

偃盤根互我來繫馬風泠然

劉琨詩繫馬長松下

入門四顧喜欲顛巢欹迴見鸛鶴坐榦

老不數蛟龍纏長廊飯僧僧未至

孟浩然詩長廊飯僧畢

松子松花飄滿地

高適詩松花松子常滿地

半嶺平銜夕照曛雙林遠勝春浮翠

傅大士傳大士捨宅於松下建寺因雙樹名雙林水經注波羅奈國有恆水東南流

佛轉法輪處在國北二十里樹名春浮維摩所處也

其餘四株皆可娛

珂雪齋集鮑家寺兩掖石樓屹立青槐百株交蔽修衢殿植果松四

株枝葉婆娑覆陰無隙地

矯矯離立空牆隅

杜甫草堂四松詩離立如人長

枝柯雖殊無異色知是歲寒霜

雪俱山僧怪我摩挲久茗盃簾前一招手此樹今來二百年問余歲月能知否

同作

蔡湘

巖下石門苔蘚重早春已發花茸茸晚風吹墮一黃鶴棲在月明何處松

玉泉山下別瞻公

水品玉泉山在西山大功德寺西數百步長安客話玉泉山以泉名泉出石罅澗而為池廣三丈許池東

跨小石橋水經橋下東流入西湖

石橋風泠泠夕曛斷崖口回指翠微深長安客話平坡山亦名翠微山山僧此分手

贈歌者陳憐

二首

文類作高舍人席上贈伎查慎行范性華屬題陳憐小影詩小像沉香手自薰前期如夢卻疑真五湖忍

負閒風月為少扁舟共載人

樂府新傳夜度孃

樂錄夜度娘倚歌也

吳衫白紵越羅裳愁看玉面燈前出

見卷一采蓮曲

笑問

銀鈎若個藏

辛氏三秦記鈎弋夫人手卷而有國色世人藏鈎之戲法此也岑參詩醉坐藏鈎紅燭前不知鈎在若個邊

千鍾已分醉如泥授色留賓曲轉低想像天河猶未落長鳴不聽汝南雞

漢舊儀汝

南出長鳴雞徐陵詩惟憎無賴汝南雞天河未落猶爭啼

贈冒嘉穗

二首

字穀梁如皋人有寒碧堂稿文類三首其三云捧檄高堂老還家令弟貧流年芳草夢心事綵衣春客已嗟垂

素人猶望指園登樓
千里目凝想竹西頻

我昔齊東住君來歷下游

見卷六飲歷下亭

客亭無奈別樽酒未言愁暑雨城西寺高

林巢外樓醉歌今始得同調日相求

盡說移居好投詩給事莊

見前西山

松筠深不見邱壑興何長夜燭攤書坐春醪並

馬嘗追隨吾更數知愛接輿狂

何侍御

元英

招同高上舍

層雲士奇

繆處士

永謀

趙舍人

隨

鄭舍人

宣

飲刺梅園松下四首

通考

神宗熙寧四年釐太學生為三等初入學為外舍外舍升內舍內舍升上舍層雲字二鮑華

亭人康熙丙辰進士官至詹事府

隨字雷聞嘉興人康熙丁未進士官福建提學

宣字

巨辰海鹽人康熙甲辰進士殿試二甲第一改授內閣中書

禁煙高詠遍龍潭

愚山集

京師三黑龍潭一在城西畫眉山一在城南城黑密殿皆禱雨之地也未得同遊祇自

慚小榼春風攜最好又騎驄馬到城南

見卷六壽何侍御

客來隨意但圍棋細草空園席屢移憶過松陰三度醉未如此會恰花時

吾家池上雙槐好此樹連蜷想像間最喜諸公盡吳語

(世說)劉真長見王丞相出人間云何云答曰未

見他異惟聞作吳語耳

一時把酒話鄉關

離筵九日記曾開送客西征上郡隈正向樽前論往事不知天外一書來

庚戌九日

集此送譚七郎丞兄是日適得榆林來札

周郡丞令樹遷太原守詩以送之兼懷傅處士

(潘耒周君墓誌)諱令樹字計百河南延津

人弱冠工文章有盛名順治乙未第進士除贛州推官居數年被劾落職事白復官遷大同同知舉卓異進太原知府(池北偶談)太原傅山字

青主一字公之它隱居著書工分隸善醫年八十徵至都堅臥城西古寺中辭歸

五馬西歸日

(潘子真詩)話禮天子六馬左右驂三公九卿駟馬左驂漢制九卿則二千石以右驂太守四馬而已其加秩中一千石乃右驂故以

五馬為太守美稱

銅符領晉陽

(史記)漢文帝制郡守置銅虎符竹使符

川臨濠涇近

(水經注)桑乾泉即濠涇水也其水潛承太

源汾陽縣北燕京山之大池

山轉崛岉長

(名勝志)崛岉寺在陽曲城西北四十里北蘭村晉王李克用與子存勗題名刻石存宋治平元年賜令

額童子爭驂篠

(後漢郭伋傳)兒童騎竹馬迎拜(朝野僉載)邦人尚詠棠(詩)蔽芾

蕭勿伐名伯所友

憑君尋傳叟暇即過松莊

(潘耒雙塢寺雅集詩序)出太原郡城東南行可七八里有寺曰永祚雙塢巍然指雲

礙日見之四十里外浮浮若旌幢焉其下為松莊傳隱君青主所居也
太守延津計百周君歲之初吉率子若輩屏騶從挈壺觴躬造於廬

將出都門曹舍人貞吉黃舍人仍緒沈舍人肩范喬舍人萊曹舍人禾

汪舍人懋麟招同高上舍層雲李秀才良年賦詩贈行口占留別貞吉

六號實菴安邱人康熙甲辰進士仍緒字繼武長洲人肩范字康
臣山陰人萊字子靜號石林寶應人禾字峩眉號頌嘉江陰人

懋麟字季舟號蛟門江都人

鳳池才子各翩翩見卷五寄酬譚七攜客城南釀酒錢滿眼鶯花無奈別河梁愁思復

今年

送朱十之楊州曹貞吉
風颺幾尺青帘子雨溼一枝紅杏花共向樂游原上望鈿車流水日初斜

又

今年二月已春分白袷單衣暖氣曛欲唱渭城誰進酒綠楊樓外見紅裙
揚州勝事滿林臯此去猶能賞碧桃無數畫簾鈞落日一湖春水漾輕篙

又

東風無賴帝城天前度還家值禁煙置酒忽從高處飲楊花燕子又今年
燕草如茵送馬蹄朔雲南下驛樓低紅橋白舫青青柳值得詞人愛竹西

和程邃龍尾硯歌為方侍御亭咸作即送其入粵硯有辛卯米芾四字印舊藏黃公道周家

程字穆倩號垢區歛縣人
字偶吉號邨春桐城人順治丁亥進士

龍眠柱史饒硯癖

江南通志

龍眠山在安慶府桐城縣西北五里柱史見卷六壽何侍御

篋藏龍尾開深窪

通志

龍尾山在徽州婺源縣東一百里石可作硯洞天清錄歛溪龍尾舊坑色淡青黑湛如秋水並無紋以水湮之微似紫乾則否細潤如玉發墨如汎油並無聲

久用不退或有隱隱白紋成山水星斗雲月異象水湮則見乾則否此是卵石故難得大者極不過四五寸多作月硯就其材也或有純黑如角者東坡最貴

重不減端溪下巖南唐時方開龍尾舊坑今已無之新坑蘆燥有大盈三尺者

大銅雀高一丈五尺置之樓顛後土石末未許青州誇

發墨非石硯之比然稍粗者損筆鋒石末本用濰州石前世已記

之故唐人惟稱濰州今二州所作皆佳而青州尤擅名於天下矣

欲脫爾雅黑謂之黝魏文帝與鍾大理書竊粹若水玉堅新剗中央私印尚可

識流傳乃自元章家

米芾之印米芾氏印米芾元章印初度肇錫名何嘉

嘉十稔棠開見八八

尚書傳載為兩已相背疏謂刺繡為已字兩已字相背也周禮注當其片石始

入手重之豈易黃金車

吳志孫權傳童謠曰黃金車斑斕耳

雲峰模糊潑急雨雪繭天矯騰修蛇

東都淪後內庫發

宋史地理志東京汴之開封也梁為東都後唐罷晉復為東京宋因周之舊為都

重寶盡失同紛麻

赤瑚玉英半缺折

楚辭采鍾山之玉英

物理所貴韜其華流傳迄今六百載山骨完好無

纖瑕黃公昔年在漳浦以此注易緯蒼牙

明史黃道周傳道周字幼平漳浦人精天文歷數皇極諸書所著易象正

三易洞璣學者窮年不能通其說而道周用以推驗治亂乾鑿度蒼牙靈昌有成孔演明經注蒼牙庖氏作易

嗚呼聚散勢所必精靈

呵護靡幽遐房融有硯譯梵字

南海古蹟記南越王弟建德故宅在西城內吳虞翻移交州時有園池唐六祖慧能剃髮受戒

寺有壇壇有菩提樹房相國融譯楞嚴經有筆授軒大硯融自刻大唐神龍改元七月七日天竺僧般刺密諦自廣譯經出此硯堅潤可愛

遺蹟尚

爾矜僧伽

翻譯名義僧伽梁云小師子又秦言衆多比丘一處和合是名僧伽

平公巨璞本光滑少陵野老猶咨

嗟

杜甫詩平公今詩伯秀發我所羨奉使三峽中長嘯得石硯巨璞禹鑿餘異狀君獨見其滑乃波濤其光或雷電文少陵野老吞聲哭

况茲貞

質世鮮兩宜為有識羣高奢

司馬相如子虛賦盛推雲夢以為高奢

前歸大滌後龐谷

黃石齋行狀至武林

諸生徒為築大滌山書院待

顛人地下應哈呀

世說補蘇長公在維揚一日設宴客皆一時名士米元章亦在

坐酒半元章忽起立自贊曰世人皆以弟為顛願質之子瞻公笑答曰吾從衆

黃海布衣嗜奇最

九域志新安黃山有雲如海稱黃海一稱

雲吟成古調（晉書潘尼傳）嗟（淫哇屏鄭衛）盤空硬語難驟讀（韓愈詩）橫空盤硬語詩膽直欲凌

劉义（劉义詩）詩膽大於天謂余吾歌子當和答云四座且莫譁我昔南遊度大庾（見卷二）鈴

羊峽口戈船划（見卷二）手披煙液入巖穴（楚辭）窺煙液之所積碣磳硿硿硿圍周遮（楚辭）嵌峯

磳硿硿（劉禹錫詩）山圍故國周遮在石紋蘊秀各異狀就中最美數青花有時精氣凝作眼碧者

鸛鵒黃者鴉火輪奔處界微白宛似蕉葉抽春芽其餘瑣細盡當辨黃龍翠羽

兼丹砂（先生說硿）端州於今為肇慶府山石多可製硿水巖最上水經鬱溪東至高要縣為大水蓋蒼梧至是五百里有羚羊峽以來之峽勢將盡其

左折而北趨有峯曰朝天巖端溪之水出其陰溪長一里許廣不盈丈自水口北行三十步有穴凡取石由穴而入中漸廣分三塗穿洞半里抵巖壁巖高三

尺石分三品上巖者質純而艷微紫中巖潤而凝色漸青下巖淡而細色近白有眼沉水觀之若有蘋藻浮動其中者是曰青花試以墨若熬釜塗蠟者然斯

為美矣其紋不同紫氣奔而迴薄謂之火捺聚而為輪謂之金錢紫氣既竭白氣火之謂之蕉葉白凝綠若灑汁謂之翡翠白凝於綠纖而長者謂之玉帶黃

氣亘其上若虹謂之黃龍若縷謂之金線點墨痕相比謂之雀斑丹若粟者謂之硿砂斑剝蝕如蟲嚙謂之蟲蛀旁色赭者謂之鮑血邊其為眼不同有鸛鵒

眼有鴉眼有象眼黃謂之鴉碧謂之鸛鵒爭如此石鐵色古稜角漸去成硿硿（郭璞江賦）元礪

聞之忽狂叫便欲五嶺探雲霞（廣州記）五嶺大庾始隋隄三月送君去（開河記）煬帝自

板渚引河塞街道
植以柳名隋隄

桺絲藤蔓何旣
毫黯然銷魂萬里別

見卷六風懷

長言不覺肆滂

葩

韓愈詩狂詞肆滂葩

賦得官柳送人自濟入燕

官路垂楊柳春風處處青
遙憐煙雨色何限短長亭

見卷一送林佳璣

送子燕臺去

見卷

六人還從歷下經

見卷六飲歷下亭

七橋明月夜

齊乘環明湖有七橋曰芙蓉曰水西曰湖西曰北渚之類是也曾鞏詩從此七橋風與月夢

魂長到木蘭舟

繫纜有荷汀

紅橋

揚州府志在北門外朱閣跨岸綠楊映隄為勝游之地吳綺揚州鼓吹詞序在城西北二里崇正間形家設以鎖水口者朱閣數丈

遠通兩岸

春蕪小雨滿城隈
茅屋疎籬兩岸開
行到紅橋轉深曲
綠楊如薺酒船來

賈鞏詩綠

楊如薺遠江流

題何氏書樓

屢醉齊東酒曾開薊北書
林泉尋舊好瀟灑勝吾廬
簾額仍通燕堂坳亦有魚

莊子覆杯水於坳堂之上則芥為之舟

蘭成擅詞賦

陸龜蒙小名錄庾信字蘭成幼而俊邁有天才竺僧呼信為蘭成因以為小字

宜作

小園居

庾信有信有

旱

水潦江淮久今年復旱荒飢風無石燕

永經注石燕山其石或大或小及其雷風則石燕羣飛

蔽野有飛

蝗桎梏懲屠釣槽巢迫死亡虛煩乘傳使曾發海陵倉

漢書枚乘傳水行滿河不如海陵之倉揚州府

志泰州東海為海陵倉元狩始為海陵縣

送越孝廉

闔

入楚兼作廬山之游

本姓江字辰六新安人康熙癸卯舉人

蕪城相見惜蹉跎

見卷五送孫處士

又送雲帆楚澤過

司馬相如子虛傳楚有七澤許棠詩天臨楚澤遙

九疊

屏風何處好

一統志屏風疊在廬山自五老峯而下九疊如屏李白詩廬山秀出南斗旁屏風九疊雲錦張

三湘芳草至今多

（景字記）湘潭湘鄉湘源是為三湘

尋山應得逢匡俗

見卷二舟中望廬山作賦還看壓景瑳

（荆楚故事）楚襄王與唐勒

景差宋玉遊雲陽之臺王令各賦大言又賦小言唐勒景差未如宋玉於是賜以雲夢之田

準擬歸來秋月滿樽前同聽大

堤歌

見卷三寄查容

補註（漢書古今人表）景瑳師古曰即景差也

逢周侍郎亮工

二首

字元亮號櫟園河南祥符籍江西金溪人崇正庚辰進士國朝官至刑部侍郎有賴古堂集

悵別西湖曲重逢又十年艱難增旅話傾倒共詩篇春遠仍題扇

見卷二贈江別王山人

寒未放船甘棠畱名伯

見前周郡丞

聽取舊歌絃

侍郎曾觀察揚州

阿戎頻問訊

公子在浚卷五高博士

燕晉兩鄉俱道已廿三黜家從汎五湖

見卷四謁劉文成祠

登臨山屐在存沒酒人殊

感王猷定胡介諸舊游也

白髮明燈裏飛揚不可無

酬彭師度

三首

字古晉號省廬華亭人蔣景祁迎陵先生外傳吳梅村先生有江左三鳳凰之目先生其一也其二謂吳江吳

漢槎雲間彭古晉

燕郊春雨灑塵輕我唱驪駒子送行回憶酒人天外隔不知舟楫下蕪城

艾家橋北論交日

松江府志城南艾家橋宋咸淳中建又占星堂在艾家橋東唐宗伯文獻之居按先生係宗伯外孫也

回首星

霜十九年祇向天涯相送老新詩讀罷一凄然

竹西酒市接平山

名勝志寶祐志云竹西亭在禪智寺前官河北岸取杜牧詩語也杜牧題禪智寺誰知竹西路歌吹是揚州方輿勝覽平

山堂在揚州城西北大明寺側慶歷八年二月歐陽公來牧是邦為堂燈下妖於大明寺庭之坤隅江南諸山拱立簷下若可扳取因目之曰平山堂燈下妖

姬十八鬟

李賀詩十八鬟多無氣力

留取霜紈調錦瑟紅橋一曲送君還

送柯大

崇樸

還里兼寄周

賈柯字寓匏嘉善人副榜官中書康熙己未舉宏博

渡淮三月滯江都送爾歸尋舊酒徒十幅蒲帆鄉樹杪

周權詩東風十幅蒲帆飽

夜舫聽雨

到南湖

送葉上舍

舒崇

之睢陽

字元禮平湖籍吳江人康熙乙卯舉人廣輿記歸德府漢曰睢陽

昔游同鼓山陰棹我年方壯君尚少紅粧隔座送藏闌

李商隱詩隔座送闌春酒暖

君醉宵

眠我狂叫江湖轉眼遽離羣東尋百越西三雲幾回落拓來燕市秋草金臺共

夕曛

寰宇記金臺在易州易縣東南三十里燕昭王所造置千金於上以招賢士又有西金臺俗呼此為東金臺又有小金臺在縣東南十五里即郭隗

臺也按京師八景一日金臺夕照

君今三十猶貧賤吳楚山川遠遊徧天涯聚散二十年鄉里

何曾一相見酒人燕市愛君詩置酒邀君必我期城東城西夜漏午呼童襍被

恆相隨

六帖晉魏舒襍被而出

謂當同醉椒花酒

荆楚歲時記正月一日長幼以次拜賀進椒酒

夜雨新年翦新

韭

見卷五贈王沙縣

豈意驪駒忽在門贈行不待春楊柳黃塵千里盧溝橋

一統志盧溝橋在順

天府西南三十五里跨盧溝河為京師八景之一曰蘆溝曉月朔雲慘淡風蕭條短衣匹馬睢陽去杜甫詩短衣匹馬隨

李廣正值梁園雨雪飄見卷一送平臺滿目皆狐兔漢書文三王傳梁孝王築東苑方三百餘里大治宮室為

複道自宮連屬於平臺三十餘里注平臺在大梁東北離宮所在也對雪相如可重賦見卷六雪窻若見當壚勸酒人

曹唐詩不見當時勸酒人也應憶我長安路按是詩當在將出都門留別之前原集誤編

譚孝廉十一兄瑄歸自楚粵訪余維陽喜成三首兼懷郡丞七兄吉

在榆林瑄字左羽嘉興人康熙己酉舉人官給事中

鄉園十載隔相對總殊方髮短愁先鑷何遜詩欲鑷星星髮杯深喜益狂寒梅探庾嶺見卷

二秋草下淙陽殘辭望淙陽分極浦未暇歸三徑明燈話射堂越絕書射的山西有石室壁方二丈謂之射堂

柳岸舟同汎蕪城草乍班望衡曾九面一統志衡山在衡州府衡山縣西三十里水經注衡山東南二面臨映湘川自

長沙至此江湘七百里中有九向九背故漁歌曰帆隨湘轉望衡九面夢雨得雙鬟見卷二灘行口號車騎將休汝見卷三還

家即事榆林欲度關雕蟲何足尚見卷一放言辛苦羨名山

十月邊城路曾傳上郡鴻見卷六九日集刺梅園弟兄三歲別夢寐幾人同望遠平山隔

見前酬彭師度

懷歸舊業空回思童穉日誰料各西東

雪霽同周儀部

襄緒

對酒康山二首

唐書百官志武德三年改儀曹郎曰禮部郎中周字還梅山陰人

官禮部儀制清吏司郎中吳綺揚州鼓吹詞序康山在郡城徐寧門內相傳為開河時積土所成明康狀元海以救李夢陽罷官隱居於此徜徉玩世終日對客彈琵琶痛飲而已因以此得名

一簣城隅出千家雪後勻江湖談往事絲竹老斯人

謂對山也明詩綜康海字德涵武功人靜志居詩

話德涵坐援獻吉遂挂清議歸田之後耽心詞曲其小令云真箇是不精不細醜行藏怪不得沒頭沒腦受災殃從今後花底朝朝醉人間事事忘剛方墮落了膺和滂荒唐周旋了籍與康論者原其心而悲之沒後家無長物腰鼓多至三百副不厭尋幽晚惟應對酒頻寒梅意

蕭瑟想見武功春

漢書地理志右扶風有武功縣

樽前橫蜀嶺

江南通志蜀岡山在揚州府城西相傳地脈通蜀上有蜀井一名蜀岡

寫下起吳歌繫馬從星使

後漢

李卻傳和帝即位分遣使者皆微服單行各至州縣觀採風謠使者二人當到益部投卻候舍時夏夕露坐卻因仰觀問曰二君發京師時寧知朝廷遣二使耶二人默然驚相視曰不聞也問何以知之卻指星示云有二使星向益州分野故知之耳憑軒覽漕河

揚州府志運河在府城東南即古邗

溝一名漕河一名官河

雪深花尚發風急鴈翻多有約江春到行厨次第過